

बच्चियां ताई बाइबल
पेस करदी ऐ



नूह कने
खतरनाक बाढ़



Edward Hughes: दे जरिये लिखियो ऐ।

Byron Unger; Lazarus;
Alastair Paterson: दे जरिये बणाई गई।

M. Maillot; Tammy S.: दे जरिये अनुकूलित।

Subramani N.: दे जरिये अनुवाद कित्ता।

Bible for Children
www.M1914.org: दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां
जो इसा काहणिया जो कोपी या परिंट करणे दी इज्जाजत ऐ।



नूह परमात्मे दी भक्ति करणे
आला माणु था। बाकि सारे लोक
परमात्मे नै नफरत करदे थे कने
तिसदे हुक्मा दा पालण नीं करदे
थे। इक्क दिन, परमात्मै हुरान करणे
आली गल्ल गलाई, कि “मैं इस

पापी संसारे जो नाश
करी दिंगा,”

परमात्मै नूहे
नैं गलाया, “सिर्फ

तेरा परवार
ई बचगा।”



परमात्मैँ नूह जो चतौणी दिती कि इक्क खतरनाक
बाढ आंगी कने सारी धरतिया जो ढकी दिंगी।
नूहे जो आदेस दिता, कि “तू इक्क लकड़िया
दा समुन्दरी जाहज बणा, जिस च तेरा
परवार कने मते जानवर आई जान।”

परमात्मैँ नूह जो सक्त निर्देस दिते।

नूह परमात्मे दे
आदेसे मताबक
जाहजे जो

बणाणा
लगगा।



लोकां एह दिक्खी
करी तिसदा मजाक
बणाया कजोकि नूहें
तिन्हां जो समझाया
था कि सैह
जाहज कजो

बणा दा था।
नूह जाहजे बणादा
रेह्आ कने लोकां
जो भी परमात्मे दे
बारे च दस्सदा
रेह्आ। अपर तिसदी
कुणी नीं सुणी।




नूहे जो बड़ा बसुआस था।
सैह परमात्मे पर बसुआस
करदा था, भले ई बरखा
पैहल्लै कदी नीं होईयो थी।
जाहलू जाहज बणी करी
त्यार होई गेआ।



ताहलू जानवर आये। परमात्मे कुच्छ जानवरां ते सत जोड़े
तिस जाहजे च घल्ले कने दो-दो जोड़े बड्डे कने लोक्के
पंछिया दे कने लोक्के कने उचे जानवर जाहजे
पर चढी गे।




जाहलू नूह जानवरां जो जाहजे च घल्ला
दा था ताहलू लोक तिसदी निन्दा
करणा लगगे। तिन्हां परमात्मे दे
खलाफ पाप करणा नीं छड्डेया,
कने ना ई सैह तिस
जाहजे अन्दर गे।





आखरी च, “सारे जानवर कने पंछि जाहजे च चली गे, भिरी परमात्मैं नूह कने तिसदे परवारे जो भी जाहजे अन्दर जाणे ताई गलाया।” भिरी नूह कने तिसदी लाड़ी, कने तिसदे त्रीनों पुतर कने तिन्हां दियां लाड़ियां जाहजे च गे। ताहलू परमात्मैं जाहजे दा दरवाजा बन्द करी दिता।



A stylized illustration of a wooden building with a window, set against a green background. The building is composed of horizontal wooden planks. A window with horizontal slats is visible on the side of the building. The background is a solid green color with a dark grey area at the top left corner.

भिरी बरखा सुरु होई
गेई। इक्क भारी बरखा
धरतिया जो चाली दिन
कने रात तिकर पाणिये
नै भरी दिता।





बाढी दा पाणी
कस्बेयां कने ग्रां च
बेही गेआ। बरखा रूकी तां प्हाड़ भी
पाणियें नैं डुबी गियो थे। हौआ च शाह
लैणे आली हर चीज्ज मरी गई।



बाढी दे पाणिये नै जाहज
ऊपर तैरणा लगगा। होई
सकदा ऐ कि अन्दर नेहरा
होयैँ कने उबड़-खाबड़ कने
डरौणा भी होयैँ। अपर जाहजेँ
नूह जो बाढा ते बचाया।



बाढा दे पंजा मीहनेयां बाद, परमात्मैं इक्क
सूकी हौआ घल्ली। कने आस्ते-आस्ते
जाहज अरारत दे प्हाड़ां च ऊचा होई गेआ।
जिआं-जिआं पाणी घटी गेआ, नूह चाली
दिन होर रेह्आ।



तिसते बाद नूहें इक्क कोगले जो कने इक्क कबूतरे जो जाहजे दिया खिड़किया ते बाहर घल्लेया। तिन्हां जो अराम करणे तांई कोई सूकी जमीन नीं मिल्ली, कबूतर नूहे अल्ल वापस आईं गोआ।






इक्की हफते बाद, नूहें
भिरी कोसिस किती। कबूतर
अपणिया चुंजा च इक्क नौआ
जैतूने दा पतर लेई नैं वापस
आई गेआ। दूये हफते बाद नूह
समझी गेआ कि जमीन सूकी गई
ऐ कजोकि कबूतर वापस
नी आया।



परमात्मै नूह नै गलाया कि एह जाहजे ते बाहर ओणे
दा बगत ऐ। नूह कने तिसदा परवार मिल्ली
नै जानवरां जो थलै लेई आया।



नूहें कितणा अभार
महसूस कित्ता हुंगा।
तिन्हीं इक्क वेदी
बणाई कने
परमात्मे दी
अराधना किती
जिन्हीं तिसियो कने
तिसदे परवारे जो
खतरनाक बाढा ते
बचाया था।



परमात्मै नूहे नै
इक्क खास वादा
कित्ता। सैह भिरी
कदी मानस जाति दा
न्याय करणे ताई बाढ नीं
घल्लगा। परमात्मै अपणे वादे
दा इक्क म्हान नशाण दित्ता।

सतरंगी धनुष परमात्मै
दे वादे दा प्रतीक था।



नूह कने तिसदे परवारें
बाढा ते बाद नौई सुरुआत किती।
बगते मताबक, तिसदे वंशजां पूरिया
धरतिया जो भिरी ते बसाया। संसार
दे सारे देस नूह कने तिसदे
बच्चेयां ते आये हन।



नूह कने खतरनाक बाढ़
परमात्मे दा वचन, बाइबला दी इक्की काहणिया
च पाण्या जांदा ऐ
सृष्टिया दी सुरुआत 6-10

“तेरे वचनां दी समझ मिन्जो जोती दिंदी ऐ।”
भजन 119:130



आखरी



बाइबला दी एह काहणी अहां जो अहां दे
अनोखे परमात्मे दे बारे च दस्सदी ऐ जिन्हीं अहां जो
बणाया ऐ कने जेहड़ा सैह चांहदा ऐ कि अहां तिसियो जाणी पान।

परमात्मा जाणदा ऐ कि अहां बुरे कम्म कितेयो हन जिसियो सैह पाप ग्लांदा
ऐ। पाप दी सजा मौत ऐ, अपर परमात्मैं अहां नैं इतणा प्यार कित्ता ऐ कि
तिन्हीं अपणे इक्कलौते पुत्र, यीशु जो सूत्रिया पर मरणे तांई घल्लेया। तांजे
अहां अपणे पापां दिया सजा ते बची सकन। ताहलू यीशु दोबारा जिन्दा होण्या
कने सुअर्गे जो चली गेआ। जे तुहां यीशु पर बसुआस करदे हन कने अपणे
पापां ते पश्चाताप करदे हन, तां सैह इआ करगा जाहलू सैह वापस आंगा कने
तुहां सौगी रेंहगा, कने तुहां तिस सौगी सदा तांई जिन्दे रेंहगे।

मेरे प्यारे यीशु, मिन्जो बसुआस ऐ कि तुहां परमात्मा हन, कने मेरे
पापां तांई तुहां माणु बणी करी अपणे प्राण देई दित्ते, कने हुण भी तुहां
जिन्दे परमात्मा हन। करिपा करी नैं तुहां मेरिया जिन्दगिया च ओआ कने
मेरे पापां जो माफ करा, तांजे मैं हुण नौई जिन्दगी पाई सकैं, कने हर दिन
मैं तुहां सौगी रेंह। तुहां अपणे हुक्मां जो मनणे तांई मेरी मदत करा
कने मैं अपनी जिन्दगी तुहां सौगी जी सकैं। अमीन।

हर रोज बाइबल पढ़ा कने परमात्मे नैं गल्लां करा। यूहन्ना 3:16

